

MELETEMA THEOLOGICVM

QVO

TYPVS

POLYGAMIAE

IN NOVO TESTAMENTO

ABOLITVS

BREVITER DELINEATVR

PRAESIDE

GVSTAVO GEORGIO

ZELTNER

D. P. P. ET P.

*AD DVBIA QVAEDAM EXPENDENDA
SOLVENDAQVE*

A. R. S. MDCCXIX D. AVGVSTI

DISPV TATIONIS MORE

PROPOSITVM

A

M. IOANNE IGNATIO VOLLAND

POPPENR. NORICO.

LITERIS IOD. GVIL. KOHLESII ACAD. TYPOGR.

MELTEMIA THEOLOGICAL
POLYGRAPHIA
IN NOVO TESTAMENTO
ABOLITVS
PRÆFATIO
GUSTAVO GEORGIO
ZELLNER

58700(22)



Q. D. B. V.

§. I.



Non ii sumus, qui, quod *Hieronymus* de *Origene* pridem conquestus est, ingenii nostri *meletemata* putemus esse Ecclesiae *Sacramenta*; sed haud difficulter credimus, in jucundo, Scripturam divinam allegorice interpretandi, studio, modum esse ponendum, certosque fines

statuendos. Veruntamen illud quoque negari haud posse existimamus, non solum, si quid clare & vivide illic depictum est, ac singulare providentiæ Dei, non tam lusum, quam documentum ostendit; dignum id esse, cujus tegatur velum, cortexque frangatur, & quod intus latet, penitus inspiciatur. Atque hæc quidem causa fuit, quare, post alia multa, de Polygamia, illaudabili pariter & laudabili industria, ultro citroque disputata, breve spicilegium instituere animo constitueremus.

§. II.

Ad quod suscipiendum amplius nos movit, cum animadverteremus, in argumenti hujus ventilatione haud paucos, eosque cumprimis, qui Polygamiam, divino jure, hodieque licitam esse, male autumant, idque, incertum quo fine, operose tuentur, hoc potissimum scrupulo vexari, quod in Novi Foederis tabulis nusquam conceptis ea, ut optant, verbis, perinde uti Repudium Matth. XIX, 7. sqq., legatur prohibitum. Plerosque sane in rationum, ex fundamentis, a Christo repudio oppositis, rectissime deductarum nexu, Poly-

gamix Patronos haudquaquam conquiescere videas ; sed diserte magis eam, sive Christi, sive Apostolorum verbis, alicubi abolitam velle, haud obscure subinde postulari aut innui observes. Accedunt ad hæc, cum alia dubia, tum etiam ipsorum Theologorum dissensiones, quos jam pridem constat in partes abire, quotiescunque de singulari illa, Veteris Testamenti, in matrimoniis populi Dei, consuetudine sententiam ferre oportuit : aliosque pro *Dispensatione*, alios vero pro *tolerantia*, pravi (id enim uno ore omnes recte asserunt) ex origine prima moris *ἡ ἀνομία* propugnare.

§. III.

Quæ cum ita comparata sint, & a nobis animo altius exputarentur ; hinc eo deducti sumus, ut aliam viam ingredi, alteriusque generis, nodum hunc solvendi, modum investigare placeret. *Permissionem* nempe meram nudamque, *in usum typicum conversam*, & *antitypo exhibito*, non solum antiquatam, quod aliorum typorum commune fatum erat, sed penitus *abolitam* atque e medio sublatam, primaque conjugii integritate restituta ex Ecclesia Christiana necessario & penitus eliminatam existimamus. Cujus rei breviter jam nobis incumbet reddere rationes, & obstacula deinceps, quæ videbuntur huic sententiæ adversa, e via remove, ac de reliquo nemini nostra hæc cogitata qualiacunque obtrudere ; sed rationibus rite collatis ulterius expendenda & dijudicanda modestè proponere. Interim nobis ea consèctari animus est, quæ, nisi omnino fallimur, ipsa Scriptura sacra vera aut certe verisimillima esse commonstrat : in quibus tantisper subsistimus, dum meliora non occurrent, aut fortiora in contrarium opponantur. Quo verbo tamen nolumus quenquam in arenam provocare, sed inquirentes tantum ad vestigandam veritatem exstimulare.

§. IV.

Ad summam rei quod attinet, qua Typi cujusdam rationem habuisse permissam Polygamiam affirmavimus: non diffitemur equidem, universe periculosum esse, causas legum pariter ac factorum, immo & indulgentiæ Dei, expiscari; præsertim, ubi sapientiam arcanam profundissime latere & vere mysticam subesse, quam humana mens vix assequi possit, ex indiciis haud vulgaribus colligatur. Vt taceam melle etiam sacro, mōitore *Salomone* Prov. XXV, 27, non ultra satietatem vesci decere, &, quod de *Cocceji* discipulis dici solet, indecorum esse, si Scriptura non tam explicetur, quam, cum sanguine elicitō, emulgeatur. Quando vero, ipso Spiritu Sancto luculentas significationes præbente, Emblema nos ali-quod divinum, raramque *imaginem Ecclesiæ Christi*, in Polygamia observasse commonstraturi sumus, haud sane ejusdem vitii, vel *Allusionum*, cum typis permistarum, studii, reos nos agi posse arbitramur.

§. V.

Hæc ergo ab ipso Spiritu divino clavem nobis tradi, ad recludendum id, quod sub figura latebat, mysterium, ante omnia ostensuri, Paullum primo ad Ephes. V, 32. consulemus, qui non solum Matrimonium generatim μέγα μυστήριον esse εἰς Χριστόν, καὶ εἰς τὴν ἐκκλησίαν inquit, ac proinde typicum habuisse, institutum pariter ac frequentatum, olim præcipue, usum, docet; sed etiam ad Gal. IV, 21. sqq. *Conjugium Abrahami* cum *Sara* & *Hagar* geminum, h. e. notabilem Patriarchæ, ceteroquin sancti, *Polygamiam*, ad ἀλληγορέμενα pertinere, longiusque per modum typi prospicere, ex professo demonstravit. Ad quæ, si porro diligentissimam ejusdem Spiritus, quo sancti scriptores loquuti sunt, commemorationem, cum hujus tum aliorum, Polygamix, in quibus conjugium

illud *Iacobi monstrosus* eminebat, exemplorum, revoces; ultro quasi, ad cogitandum de Mysterio quodam & emblemate diviniore, nos provocari & invitari videas. Ne quid dicamus de *Davidis*, *Salomonis*, *Simsonis* & aliorum personis factisque, quæ sine dubio typum Christi, & quæ ad Christum spectant, gerebant. De quorum etiam conjugiiis cum multa sint insolita sacris monumentis prodita, quidni ea quoque huc referenda esse, ex prioribus jam ante positis fundamentis divinemus?

§. VI.

Idem vero, quod de figura ac significatione rerum sublimiorum, in his conjugiiis obvia, dictum est observari, tanto luculentius inde videtur amplius confirmari posse, quod, ut alia, ita præcipue ea matrimonia, ubi sodales vivebant, cum uno marito, foederatæ uxores, ratione etiam *gentis*, ex qua conjuges ortæ erant, valde memorabile discrimen sistunt. Omittimus *Mosis* Midianitidem *Ziporam*: quam, duxisse eum, ægre ferebant Num. XII, 1. sq. *Miriam* & *Aaron*, nec tamen sine divino nutu id factum esse dubitamus. Similiter *ancilla Abrahami*, in societatem tori assumpta, quæ Paulo indice Iudaismi imaginem gessit, ex Aegypto oriunda, eam gentis Iudaicæ repræsentabat conditionem, quam Deus ipse Ezech. XVI, tot. exacte descripsit. Manifestissima nobis videtur *Salomonis* cum Aegyptiaci Regis filia, aliisque pluribus alienigenis, confociatio, conjugii vinculo firmata, & 1. Reg. XI, 1. sqq. commemorata. Vbi, quamvis nonnulli, haud esse intelligendas uxores, sed Gynecæi, Orientalium more, ornamenta & ministras; non tamen dubium est, quin plurimæ concubinarum, h. e. uxorum secundi ordinis & ignobilioris sortis officium obierint. Id enim nomina פִּלְגִּשִׁים & נָשִׁים comm. 3. omnino exposcunt. Typum vero sequentia monstrabunt.

§. VII.

S. VII.

Etenim sine omni ambage mysticum illud & illustre *Canticum Cantic.* id , quod ostendere instituimus , aper-
tissime explanateque edisserit. Quippe in quo non tantum
unius simul & *pluriam* , diversæ conditionis uxorum , inter
se comparatarum , Cap. VI, 5. 6. cum primis, fit mentio ; sed
etiam N. T. statum nobiliusque conjugium hoc schemate
depingi in confesso est. Quanquam enim conjugium Salo-
monis cum filia Regis Aegypti, quæ profana quorundam fuit
sententia , in eo Cantico neutiquam delineari satis constat ;
tamen ad conjugium Salomonis aulæque statum , prout Rex
ipse v. g. Psalm. LXXII, 1. sq. haud dubie eximium emblemata
Christi exhibebat, heic alludi, constipatisque figuris, tam rerum
quam verborum, diviniora mysteria inde deduci, extra contro-
versiam est positum. Inter quæ nobis in præsentī ad scopum,
quem præfixum habemus, dilucidandum sufficit, & matrimo-
nii Salomonis arcana , exinde quodammodo , a scrutantibus
ea , intelligi posse, & concubinarum cum uxore primaria nu-
merum in hunc quoque censum venire. Eumque sensum non
obscurius apparere putamus, quando brevius quidem, sed haud
paulo minus sublimi stylo, conjugium idem in Epithalamio sacro
Ps. XLV. describitur, eademque adeo sententia & mysterii ma-
gnitudo amplius stabilitur. Immo tanto clarius, quod osten-
dere laboramus, ex eo patet, quanto evidentius forma orationis
haud impari, & formula quoque haud dissimilis typi indice, fi-
liæ Regum, & filiarum, cum comitatu numeroso, ad instar se-
cundarii ordinis conjugum, comm. 10. & 15. meminit Spiri-
tus Sanctus, eminentiamque *Messia*, qua *conjugium* simul &
personam, ad Salomonis imaginem, singulariter conjugati, re-
spiciendo, pro temporum istorum ratione, admodum magni-
fice celebrat. Cetera , quæ obscuriora alibi reperiuntur

exem-

exempla, ipsumque adeo *Davidis* illustrissimum documentum, brevitatis studio, dedita opera, silentio præterimus.

§. VIII.

Cum ergo hujusmodi indicia hætenus eruta, typi, oppido quidem abstrusi, at veri tamen munus, præstitisse Polygamiam, ipso Spiritu divino eo nos manu quasi ducente (ut sensum mysticum esse pateat, non mere illatam allegoriam) exploratum habeamus: jam, quidnam illud sit, quod ad modum antitypi, hac figura præsignificati, olim repræsentatum sit, reali quasi vaticinio & divino involucro, distincte, quoad licet, evolvendum erit. Neque vero id difficile putamus investigatu, dummodo ad Conjugium spirituale & multo divinius, ipsumque illud mysterium, ad quod Paulus l. c. ad Ephes. digitum intendit, & Hoseas cap. II, 18. alique Prophetæ, denique & Christus ipse aliquot parabolis, nos revocant, animum advertere non pigremur. Vbi profecto luce meridiana clarius erit, uxorem ejusmodi, Regi & Domino nostro Iesu Christo non unam, sed plures *quodammodo* fuisse: alteram, sub Vet. Test. decursu, in matrimonium, singulari quadam œconomia, quam Leviticam vocant, & quæ Patriarchalem politioem tantum exhibuit, assumptam, eamque Messia, qua naturam humanam, sigillatim *popularem*: alteram *alienigenam*, & ex profanis gentibus novis quasi conditionibus acceptam, ac fœdere arctissimo & amore flagrantissimo, post repudium, quod oppido memorabile est, priori datum, sibi clementissime conjunctam. Hæc nobis videntur conjugis illis nuptiisque admodum insolitis, & toties, veluti notabili quodam charactere, a Spiritu S. non sine causa signatis, ad modum typi adumbrari. Ita tamen, ut Regulæ vulgares, omniumque calculis comprobata, hoc etiam in loco repetendæ sint, quibus,

quibus, *non promiscue omnia*, quæ sunt in typo observata, cunctasque actorum *circumstantias* ad τύπον Θεῶ, veluti *ad amussim* referenda esse, jam expeditum est: & porro, de natura ac proprietate antitypi, non divisim, ex unius emblematis ratione, sed ex *pluribus conjunctim*, judicium fieri oportere, constat.

§. IX.

Reliquum est, ut, postquam de conjugio primario, & Typi pariter atque Antitypi ejusdem qualicunque congruentia, Spiritu S. duce, quid indigitatum sit, ostendimus, jam etiam, quid de concubinis ipsis uxoribusque secundariis habendum videatur, paucis indicemus. Has ergo non putamus Ecclesiam internam, fœdere, pressius sic dicto, spirituali, nexuque fidei & gratiæ salutaris Christo Regi suo sociatam, quæ *pro diversa gubernandi ratione gemina* fuit, quæ *substantiam* vero salutis Evangelicæ revera *unica* est, denotare; sed Externam Verbi divini & Sacramentorum participatione fruentem societatem; pluresque adeo *cætus particulares*, inter tot populos, in universo orbe *diffusos*, magis minusque puros, *conspiciam*, præterque consortium illud externorum, ad regenerationem destinatorum, Dei instrumentorum, uni veræ sanctæque Ecclesiæ invisibili, sua opera diversa, & *corporis* quasi *usura*, Christo inservientes adumbrare. Quorsum sane Cantici Salomonei singularia, de *una* instar columbæ, *dilectissima*, itemque ornatu *interiori*, Psalm. XLV. 14. commemorato, & ab externa conjunctione notabiliter distincto, prædicata & elogia pertinent. Quæ sine ea applicatione, ad Ecclesias, aut *gentes*, si malueris, plures *Christianas*, ex ipso complemento omnium optime petenda institutaque, vix alias commode intelligi queunt. In quam opinionem plurimi quoque *Cantici* divinissimi interpretes vel nolentes quodammodo ingressi sunt.

§. X.

Sunt verò & alia quædam , quæ in conjugii præcipue Patriarcharum , qua circumstantias , non sine gravi caussa , ad futura prospectante , videntur locum habuisse. In quibus eminent , personarum in matrimonium ductarum , partim *liberarum* , partim *servarum* , conditio : itemque cognatio , ad consanguinitatem vel affinitatem propius , quam divinis legibus , postea certe , indultum legitur , accedens : & quæ alia sunt hujusmodi. Etenim , nisi omnia nos fallunt , prior personarum status , statum quoque Ecclesiarum , gentiumque ad ecclesiam collectarum , a jugo servilis legis , hominumque constitutionibus , libertatem , qua beandæ sint , & aliarum contra , legibus humanarum traditionum subjectarum , designabant. Cui typo Græcæ pariter & Latinæ , particulariumque in harum ambitu ecclesiarum , inde a sæculo quarto inchoata , & procedente tempore aucta , ceremoniarum fastidiosa multitudo , cum necessitatis adjuncta persuasione , ex asse respondet : cum ex adverso sancta libertate , vel non recepto temere , vel excusso illo jugo , plures alii cœtus , & olim fruerentur diutissime , & hodie iterum fruuntur quasi postliminio. Quodsi vero ad genium populorum variorum Christo subditorum , & *regiminis externi modum* respici putes , per nos licet , ut suo quisque sensu , ubi divinatione opus est , abundet. De cognatione non esse obscurum existimamus , tum ad ipsius Christi , cum ecclesia sua , præsertim Iudaica , consanguinitatem , quorsum & Paulus mysterium hoc refert , eam referendam esse ; tum pertinere ad populorum inter se cognationem , ex originibus gentium haud raro illustrandam. Atque hinc forte etiam , quare tot conjugia , ante leges contra incestum Lev. XVIII. & XX. latas , & priorem illam libertatem arctius adstringentes ,

tes, permiffa fint, ratio probabilis reddi poteft: quae aliunde, five positivo jure univerfali, five naturali talia prohibita effe matrimonia dixeris, difficilius repetitur.

§. XI.

Quæ fi ita fint, jam tandem *cauffa*, ob quam *Polygamia* in N. T., tam diu antehac permiffa, indulta ac *tolerata*, imo, fi malis, per difpenfationem (ubi tamen defideramus divinam ejus rei fignificationem apertio- rem) conceffa, *abrogata fit* & fublata e medio, inveniri ac demonftrari poterit. Cum enim typi habuerit rationem, rerum in N. T. vere præftanda- rum & reapse exhibendarum, ftatusque Ecclefiae, fub hac nova œconomia, catholicae & per orbem univerfum diffufæ, fubfe- quuturi; præeunte Paulo ad Coloff. II, 17. & ad Hebr. VIII, 5. X, 1. fqq. &c., *præfente corpore*, Chriſto inquam ipfo, & corpore ejus myſtico, *umbra illa per fe* ceſſavit & *evanuit*. Quo etiam factum eſt, ut peculiariter & ex profeſſo de Poly- gamiæ hujus abrogatione, oppoſitoque interdicto, nusquam directo actum fit: partim quia nimis amplius longusque Scri- ptoribus N. T. compendia ſectatis, ipſique Chriſto is fuiſſet labor, de ſingulis typis, ordine percenſendis, ut aboliti fint, ſigil- latim & articulatim differere: partim, ex *generali* umbrarum quarumvis, poſtquam corpus, ſeu eventus obſcurius præmon- ſtratus, jam adventaverat, antiquatione cum ipſis N. T. initiis locum habente, & ſatis clare indigitata, *de ſingulis*, nullo ne- gotio, eodem prorsus modo ſublatis, quiſque, quod cogno- ſcere neceſſe erat, efficere poterat. Quod innumeris ſane demonſtrari exemplis poſſet, niſi in re manifeſta tempus te- rere vereremur. Atque id ipſum ad præſens etiam inſtitutum ſatis eſt Spiritui Sancto viſum. Qui tamen, quoties non gra- vatus eſt, fundamenta genuini matrimonii, ex prima inſtitutione

deducta repetere & illustrare, simul, quæ fuerint indulgentiæ
pristinæ rationes, & quibus legibus nunc vivendum sit, con-
jugiumque ineundum, & sanctissime servandum, velut ex
abundanti, subinde indicavit. Immo jam in V. T., non qui-
dem *Levit. XVIII*, 18. (hoc enim toto capite de proprie sic
dicta affinitate & consanguinitate, ut patris, matrisque & fra-
trum, ita sororum, vocabula huc pertinentia, intelligenda sunt)
sed *Malach. II*, 14. sqq., ubi *unus ille* (יְהוָה) semen Dei
quærens, more Hebræorum numeralium, ordinalia etiam de-
signantium, *primus* est homo Adamus, non obscure idem jam
testificatum esse optimum Numen scimus.

§. XII.

Sunt equidem nonnulla, quæ huic sententiæ nostræ, vel
divinationi potius, obstare videantur, eaque haud spernenda,
quæ nobis etiam ipsis, hac de re meditatís, *dubia* in mentem
venerunt. Inter quæ sine omni dubio primarium videtur,
quod ex *re mala*, & legi primæ seu institutioni, quæ, ratione
modi certe, instar legis est, adversa, *typus* vel imago tam
sancti eventus haud laudabiliter exstruatur: cujusmodi imago,
in hoc, ut putemus, polygamix typo, Ecclesiam Christi in
N. T. delineante, manifesto periculo haud careat, Christumque
ipsum, non magis quam Ecclesiam, in plures cœtus externos di-
visam, deceat. Sed scrupulo huic removendo multa sunt, quæ
suppetias ferunt, sine difficultate aut anxio inquirendi labore
oblata. Nam, ut omittamus *peccata typica*, aliorum pecca-
torum figuras, de quibus a Celeb. *Buddeo* ex instituto actum
est pluribus: non veremur, veri quoque nominis peccata, rerum
etiam optimarum, in N. T. locum deinceps habentium, seu ex-
hibitarum, typos fuisse & imagines, affirmare. Tum eo, quod
typi & antitypi, prout jam ante dictum est, non per omnia
sibi

sibi accurate semper respondent , sed qualiscunque umbræ , imperfectionibus & nævis quoque suis de cetero laborantis , usum præbent : tum vero etiam , quia circumstantiarum sæpe ratio habetur , & substantia suo loco relinquitur. Imò , nisi id admittatur , vix ullus , etiam in summo Sacerdote Veteris Testamenti , ipso Spiritu S. teste ad Hebr. V, 2. sq. & VII, 27. peccatis commaculato , typus Christi admittendus esset.

§. XIII.

Ea tamen ut luculentius conspiciantur , alias prius nonnullas , quam typicas , quibus Spiritus divinus usus est aliquoties , investigabimus , expendendasque proponemus similitudines , easque ad res divinissimas sanctissimasque adhibitas esse designandas demonstrabimus. Quid turpius est *Fure* , nocturno tempore alienas res invadente & surripiente ? Nihilo tamen minus semel iterumque , v. g. I. Thess. V, 2. II. Petr. III, 10. Matth. XXIV, 33. Luc. XII, 39. , adventum suum ad judicia certa (particularia aut universale perinde est) subitaneum Numen optimum cum ea imagine , per se foedissima , comparare non dubitavit. Similiter frequentissimum est in orationibus , & schematico Christi , more Orientalium , docendi modo , semet ipsum Patremque suum sanctissimum , ut *Fæneratorem* describere , & ab usuris inter Iudæos severe prohibitis , divini regiminis , divinæque providentiæ rationes , variorumque donorum distributorum & recte collocandorum modum delineare. Ita quidem , ut Iudex ipse Matth. XXV, 26. *duri Domini & iniqui argentarii* non subterfugiat , aut declinarit accusationem ; sed in applicatione justii judicii , ea posita , sine contradictione , quodnam servi ignavi officium fuisset , ut com-
monstret , pergat. Accedit ad hæc maxime memorabilis *impii illius Oeconomi* , qui Domini sui bona dissipaverat , Luc.

XVI, 8. sqq. collaudatio : qua non tantum propter astutiam, per modum providentiæ, ad *εὐεργητὰς* sibi conciliandos adhibitam, ab Hero suo prædicatur ; sed omnibus etiam Christianis ab ipso Sosпитatore nostro, tanquam exemplum , quod , eatenus certe, ad futura æternaque fata prospectantes, & eo usum rerum externarum instruentes imitentur, commendatur. Quibus solis, si vel maxime veterum typorum exempla nobis deessent, non indignum esse Deo, ex factis mortalium illaudabilibus, rerum sacrarum emblemata præstantissima sanctissimaque petere, confici posset.

§. XIV.

Sed præsto sunt etiam illustrissima verorum typorum, ab ipso Spiritu S. indigatorum monimenta, res sanctissimas factis minime sanctis delineantia. Certe in ipso limine Scripturæ S. *Adamus Protoplastes*, idemque, non prima adhuc integritate, qua conditus erat, exsplendescens, sed tanquã lapsus in iram divinam, & καὶ ἀρχὴν posteris omnibus accersens ac promeritus, ad Rom. V, 14. τὸ πρὸς τὸ μέλλον, ejus nempe, ex quo uno δικαίωμα in omnes dimanat , conceptis verbis appellatur. Non ignoramus equidem, esse, qui exemplar typumque Adamum fuisse Christi, proprie ita dictum, negent : eo quod in statu integritatis typo Christi locus non fuerit , in lapsu vero nimis disparata sint , Adami culpa mortisque poena, & Christi justitia ac vitæ donum. Sed cum *Paulus* non veritus sit, typum hunc nobis disertis verbis, a quibus ad sermonis figuram in stylo Epistolarum temere deflectere non licet, proponere, eo ipso nomine insignire, multisque explanare, ac similitudinis rationem in amplissima *justitia & injustitia diffusionem* ponere : non est sane, cur ab ea comparatione, certis limitibus jam comprehensa, & in ipso *culpa* atque *gratia collatis* posita, abhorreamus. Nec dici satis potest, quam utilia, syncrisis illa Adami primi & se-

& secundi, monita, & quam salubria *πορεύματα* suppeditet. Huic figuræ a Mose nobis & Paulo descriptæ addenda est celebris illa *maleficorum suspensorum imago*, perquam luculenter ab eodem Apostolo ad Christum applicata, ad Gal. III, 13. coll. Deut. XXI, 22. 23. Quamvis enim minus commode ad Christum *Absolonis* quercum, *Gretserus*, tanquam typum, uti & ipsum Davidis illum immorigerum filium, retulerit; suspensionem tamen cum Christi morte expiatrice convenientiam habuisse, suspensosque illos facinorosos aliquam ejus figuram repræsentasse, & quidem ex ipsa Spiritus S. intentione huc collineante, haud putamus obscure, collato l. c. Paulli, effici posse.

§. XV.

Præter hæc notissimum est, quantopere super *Serpentibus veneratis*, illoque ex aere fuso, atque a *Mose*, Num. XXI, 8. 9. in solitudinibus Arabiæ, ex *erecta* pertica *suspensio*, disputetur ab eruditissimis Theologis: quorum aliqui sine tergiversatione serpentem illum emblemata fuisse ipsius Diaboli asserunt, animas hominum jam inde a Paradisiaco assultu inficientis & lædentis. Alii vero, id affirmare quidem subveriti, hoc tamen non negant, Christum salutiferum crucis supplicium pro nobis toleratum, imo se ipsum cum serpente illo, veneno olim suo præsentissimo nocente, Ioh. III, 14., tanquam cum typo contulisse. Unde tandem in eam opinionem nonnulli ingressi sunt, ut in ipsa crucifixione Diabolum per Christum crucifixum repræsentari, quatenus in cruce secundum Paullum ad Col. II, 15. Servator noster hunc serpentem antiquum *ἐδειγμάτισεν ἐν παρρησίᾳ θραμβεύσας αὐτὸν ἐν αὐτῷ*, existimarint, eademque cum Gen. III, 16. & Hebr. II, 14. conferendo amplius roborari posse arbitrati sint. Quæ nos aliis dijudicanda relinquimus. Vtcunque enim ea sint, jam

jam

jam pluribus a celebratissimis Viris, *Burmanno*, *Witsio*, *Vitringa*, & *Marbio* nostro, ventilata, haëtenus tamen ad nostrum propositum faciunt, ut a rebus magnopere discrepantibus, imò aliquid vitii, sive moralis sive physici, continentibus, in typorum usum convertendis, & ad ipsum Christum referendis, non abhorruisse Spiritum S. appareat. Et cur, quæso, ab illis abhorruerit, cum exploratum sit & expeditum, *fætidissima* animalia, dummodo essent secundum conditiones Leviticæ pura, v. g. capros & hircos, supra foetorem etiam *lascivos*, nominatim ἀποπομπῶν illum Levit. XVI., insignem ac primariam piacularis sacrificii Christi adumbrationem diu multumque præstitisse Ecclesiæ. Quemadmodum & *Boves* Ministrorum Ecclesiæ I. Cor. IX, 9. & truculentissimæ *Bestiæ* summarum potestatum imagines in Sacris passim occurrunt. Quorum neutrum, si quis scrupulosus esse velit, satis *decorum* videatur. Sed faciamus, & hæc ad nostrum scopum & temporum rationes non satis congruere: profecto de *Ionæ* typo, *præter Adamum*, nemo erit, qui scrupulum moveat: quia Christus ipse, v. g. Matth. XVI, 4. Luc. XI, 29. sqq. resurrectionem suam, cum triduo mortis, oppido dilucide ex hac una spectatissima imagine Iudæis cognoscendam proposuit. Enimvero *Ionam profugum*, & in re mala, morosæque inobedientia, occupatum fuisse, cum in pelagus projiceretur *emendandus*, & a Charcharia seu Balæna absorptus in triduum delitesceret, prorsus liquet. At nihilominus *Christus* hoc se typo, suamque simul *mortem*, cum sepultura arcte *connexam*, perspicue præsignificatam esse, non dubitat semel iterumque asseverare. Adderemus & *Simsonis* facinora, *Prophetarum* item acta plura, aliaque hujusmodi ab aliis notata emblemata; nisi prolixiores nos, quam propositum est, fore metueremus, & sensus typicos ab accommodationibus variis discernendos esse,

& ipsi

& ipsi agnosceremus. Ea certe, quæ a nobis producta sunt, exempla, sufficere, arbitramur, possunt, quo minus in rebus, quæ non videbantur *πείπειν τῷ Θεῷ*, typos sacrarum rerum delituisse, atque ipsis adeo polygamix imaginibus, dubium hoc, quod objici posset, non obstare, ambigi queat.

§. XVI.

Quod superest, ne quis nove in hujusmodi typorum usu nos luxuriari putet, aut indigna sanctitate divina comminisci, jam pridem ab ea sententia non alienos fuisse etiam summos Ecclesiæ Doctores, vel tribus verbis monemus. Et, quamquam *Hieronymi* quoque atque *Gregorii M.* testimonia allegare possemus, quorum uterque: *Homines malos, in re etiam non bona, sanctissimarum rerum, atque adeo ipsius Dei typos esse posse*, asseruit; solius tamen *Augustini* luculentam hac de re confessionem addemus: *Ne quenquam*, inquit, & quidem cum Fausto Manichæo disputans (L. XXII. c. 83.) *parvæ considerationis offendat, quod de quibusdam malis operibus hominum, in Scripturis sanctis, quædam non mala, sed bona futura significantur. Servat enim ubique divina providentia virtutem bonitatis suæ, ut, quemadmodum ex adulterorum concubitu formatur & nascitur homo, de hominum opere malo bonum opus Dei, sicut in præcedenti sermone jam diximus, de fecunditate seminum, non de turpitudine vitiorum: ita in Scripturis prophetis, non tantum bona hominum, verum etiam & mala facta narrantibus, quoniam prophetica est ipsa narratio, significetur aliquid de malis operibus hominum etiam futurorum bonorum, non peccantis opere, sed scribentis (destinatione & applicatione.)*

C

Et

Et p. p. *Ea hominum facta, sancto Spiritu disponente & inspirante, collegit Propheta narrator*, (Gen. XXXVIII, 16. Iudæ cum Thamar incestum referens : de cuius significatione illic differit,) *quorum interpositio non vacaret a præsignatione rerum, quas intenderat prophetare : ad significanda autem aliqua, nihil interest, facta illa, quibus ea significantur, seu bona seu mala sint.* Ac denique concludit : *Hoc quod necessario proloquendum putavi, non ad hoc tantummodo Iudæ factum, sed etiam ad cetera valeat, si qua occurrerunt mala opera hominum, quibus bonum aliquid a narrante prophetatum est.* Hactenus *Augustinus*. Quæ nos non ideo pluscula in medium adducenda existimavimus, quod ejus solius auctoritas rem conficiat ; sed ut nostram *de typicis rerum optimarum peccatis* sententiam tantorum in Ecclesia luminum adstipulatione non destitui pateat. *Quibus* omnibus tamen, quod tacendum non est, *ne* quidem *opus* esse apparebit, *si* Polygamiam non solum toleratam, sed divinitus ad eam singulari consilio typico (non desiderio Messiaë, quem noverant ex concubitu naturali haud nasciturum Patres) frequentandam *dispensatum* dixeris, atque hoc modo ipsa quoque *delicti ratio cesset*.

§. XVII.

At enimvero tantum abest, ut polygamiam permissam non habuisse typi usum, credamus, ut ipsum quoque *Repu- dium*, singulari indulgentia toleratum, ejusmodi mysterium altioris indaginis esse complexum, valde sumus persuasi. Quod si enim ex Veteri pariter & Novo Testamento abunde constat, matrimonii vinculum inter *Ecclesiam Iudaicam* Deumque fuisse arctissimum, perpetuisque hinc Prophetarum emblematis

tibus

tibus celebratum, eamque vero tandem Ecclesiam, propter mores impios, & contemptum præsertim Messiaë, a foedere illo arctiori (de quo Rom. IX, 4.) solutam abjectamque esse; quis dubitet, *spirituale hoc repudium*, tot exemplis, in eadem gente frequentatis, jam dudum fuisse adumbratum & identidem præfiguratum. Quam etiam ob rem non ante, quam tempora *διορθώσεως* (ad Hebr. IX, 10.) venirent, penitus legitur sublatum & abolitum. Hinc vero, si ea in Repudiis Iudaicis latebat figura, haud injuria, vel ex eventu prorsus congruente, & nexu intimo, polygamiam etiam huc esse revocandam, non sine specie veri maxima, a pari utriusque conditione concludimus. Sed non est, cur solo eventu nitamur in re valde ancipiti, cum perspicuis admodum *testificationibus Christi* ipsius, fulciri eam sententiam posse, certum sit; modo præjudicatis opinionibus missis, qua de causa & *quo fine* Moses libellum repudii dare *ἐπέτρεψεν* Matth. XIX, 8. affirmetur, attenta mente reputemus.

§. XVIII.

Nimirum, cum *σκληροκαρδία* diserte nominet Christus, & in hunc usque diem approbata ab omnibus invaluerit sententia, quasi, majoris mali evitandi gratia, & ne manus violentas uxoribus inferrent truces Iudæi *καὶ πικροὶ*, eam indulgentiam, difficilia tamen reddentem repudia, multisque ambagibus sapienter circumscribentem, concedere placuerit: hæc, a genio quidem Iudæorum, aspero morosoque, non esse aliena, putavimus; At scrupulus non unus animo nostro infixus mansit. Quem ut eximeremus, huc tandem descendimus diu cogitantes, ut *non* ad *σκληροκαρδία* Iudæorum antiquorum retrospexisse Christum censeremus, sed *eam, qua refr-*

ſtarii ipſum Servatorem & Apoſtolos male vexabant, maximam profecto & ad ſummum faſtigium impietatis perductam, progeniei vitioſioris, τῶν συγγενόνων ſcil. τῶ Χριſτῶ, moroſitatem hoc loco innui, redderetur veriſimilius. Ita, ut mens Liberatoris optimi haud ea ſit : propter Majorum obſtinationem animi repudia eſſe indulta, ne quid gravius designarent in thalami focias ; ſed *in reſpectu ad futuram*, quæ nunc implenda ſit, gentis Iudaicæ Chriſto immorigeræ obluſtationem, cum ſequentibus pœnis, præſignificandam id eſſe factum. Vt adeo, quod ſæpius conſuevit facere optimus Pacificator, duos ſimul, quod ajunt, parietes dealbare voluerit, & rationem permiſſi repudii reddens, a periculoſo magis, noxio, prioribusque tantum adumbrato, lugubri repudio, ſi perrexerint, ſequuturo eos dehortando, ſimul avocare conatus ſit.

§. XIX.

Cauffa vero & occaſio, cur in hanc ingrederemur ſententiam, prima nobis & princeps fuit, *ipſa loquendi formula*, qua uſus eſt Soſpitator ſapientiſſimus. Neque enim Διὰ τὴν ſκληροκαρδίαν, tanquam rationem moventem, quæ jam olim, cum per Moſen lex promulgaretur, præſens fuerit, repudii poteſtatem ipſis eſſe factam ait ; ſed πρὸς τὴν ſκληροκαρδίαν ὑμῶν (hanc certe præpoſitionem Matthæus cap. XIX, 8. & Marcus cap. X, 4. conſtanter retinent) ſpectando, id permiſſum fuiſſe inquit. Iam vero notum eſt, *Græcis* particulam πρὸς, cum quarto caſu conſtructam, non temere impellentem cauffam antecedentem & præſentem, at frequentiffime reſpectum ad aliquid aliud, inprimis futurum, denotare, nec raro ſimilitudinem, qua alterum alterius imaginem refert, aut hunc in finem certe eo refertur, exprimere. Ita Græcos τίνα πρὸς ἕτερον σκοπεῖν

σκοπεῖν ἐξετάζειν, *aliquem cum alio componere*, seu comparare, dicere solitos : itemque, τὰ δὲ ἄλλα μικρὰ ἂν εἴη πρὸς ταῦτα, h. e. *reliqua vero perexigua sint*, si cum his conferantur, Platonem dixisse, *Vigerus & Devarius* observant. Simili modo, πρὸς ἡδονὴν δημηγορεῖν καὶ ἐπαυεῖν : it. πρὸς τὸν σκοπὸν ἀπευθύνειν τὸ βέλτε, *telum ad scopum dirigere*; denique πρὸς τὰ ταῦτα πολλὰ, i. e. *quorsum hæc tam multa spectant*, & quæ alibi occurrunt consimilia, explicanda sunt. Et quid pervulgatum magis est in *Aristotelis* Philosophia, quam relativorum tritissima nomenclatura, qua vocabula πρὸς τὸ, h. e. *respectum ad alia* involventia, appellari solent: inter quæ *similia* esse, *typos & figuras*, nemo sane ignorat. In Novi vero Testamenti tabulis, uti alia plura diversam relationem ad res futuras denotantia exempla leguntur, ita maxime nobis memorabile visum est, quod Matth. XXVI, 12. fœmellæ illius, quæ Christum paullo ante mortem perunxisse narratur, officium, πρὸς τὸ ἐνταφιάσαι αὐτὸν, *ad pollincturam*, non certe ei præstandam, (neque enim hucdum mortuus erat Servator,) sed *præsignificandam* valere dicitur.

§. XX.

Possemus etiam *Pronomen* urgere; quandoquidem Christus non Patrum aut Majorum τῆς ἡμετέρας corruptæ, cum qua fermocinatur l. c., ut alibi plerumque consueverat, meminit, sed *ipsorum* (ὑμῶν, vestram) σκληροκαρδίαν esse, ad quam Deus digitum intenderit, diserte inquit. Quam etiam gravi oratione invectiva, & objurgatione animosa, a patribus filios peiores distinguendo, Actor. VII, 51. reprehendit *Stephanus*. Sed nolumus hic diutius morari, & majoris esse momenti arbitramur, quod parum absit, quin, si receptam sententiam tuea-

mur, in exosam, haud injuria, *Spenceri & Marshami* hypothesin, de imitatione morum pravorum, ab Israelitis ex Aegypto acceptorum, πολικῶς Deum se accommodasse, transeundum sit, aut certe haud leve fulcimentum ei ex hac vulgari sententia accedat. Quorsum etiam *alter* horum, quem consulimus, summo studio provocavit. Cum enim ingenium morosum, difficile, & propositi tenacissimum illi tribuant Hebræis, ex Aegypto præsertim egressis, atque hinc, quoniam Deo cum rudi populo, a suis sæculique moribus cito facileque nulla machina dimovendo, res fuerit, eorum ritus, quos cum primo lacte inbiberant, paullulum castigatos, leni animo tulisse, &, quod *Eusebius* ait, *audientium moribus congruentem legem promulgasse*, docent: profecto non ovum ovo videtur esse similius, quam hujus legis, de modo repudii, ipsiusque indulgentiæ generatim, ad σκληροκαρδίαν attemperatio. Illud igitur incommodum, si possimus effugere, certe satius erit, typicam significationem præferre, quam periculum tantum perperam subire. Eamque cum & eventus tristissimus abunde demonstratam dederit, sane, cur, cum discrimine, a via recta, Deoque in lege sua alias trita, typorum scil. plena, deflectamus, causæ nihil videmus. Suppetunt & alia quædam, his, quæ jam dicta sunt, vel illustrationis gratia addenda, sed quæ lubentes, deditaque opera, intacta prætermittimus.

§. XXI.

Duo tantum reliqui sunt, qui male fortassis L. B. habere possint, scrupuli. Alter in eo vertitur, quod, si *Repudium typi* officium obierit, *Christum eo fuisse provocaturum*, cum tamen ad primam institutionem Phariseos ceterosque Iudæos revocaverit, credendum sit. Alter, typicam haud fuisse polygamiam,
hinc

hinc videtur probabile reddere ; quod hac ratione , perinde , uti ceteros typos , antiquatam equidem , sed eo tamen loco eaque conditione nunc esse consequeretur , ut inter actiones *indifferentes* referri debeat. Non desunt autem ad hæc objecta Responsiones. *Primum* enim nos prorsus non ferit dubium : quoniam ex nostra potius sententia liquet , Christum utique typi mysterium Iudæis , & quidem , ut inquirerent , causam pro effectu nominando , obscuriuscule , ceu solebat , proposuisse , atque adeo huc omnino provocasse. Quod vero primam institutionem simul allegavit , in causa fuit id ipsum , de quo heic disseruimus , institutum : quo non imperatum , nec omnino probatum , sed permissum tantummodo , tametsi per se malum esset , Deoque displicens id fuisse , primario Christus ostendere voluerat. Atque hæc *secundò* eadem ratio est , quare & Polygamia ad eandem institutionem , inviolabilis videlicet legis potestatem habentem , perpetuamque omnium conjugiorum normam , posteaquam typicus ejus usus exspiravit , (ob quem similiter nunquam approbata , sed tolerata fuerat ,) jam revocanda , & hoc præsertim sanctitatis accuratioris , in Novo Testamento requisitæ , tempore , non solum non amplius continuanda , sed etiam , cessante causa , & antitypo jam præsentem , quasi denuo prohibita , ipsaque tolerantia nunc quoque sublata prorsus abolita sit. Ceterum nihil h. l. aperte de ea Christus defini- vit , quia hac de re *directo* & ex instituto *interrogatus non fue- rat* : quid vero habendum sit , tum fundamentis iisdem , ad eandem legis universalis rationem , æque ac obligationem , illos revocantibus , clare satis innuit , & quæ reliqua erant , *ad com- munem typorum sortem in N. T. subeundam rejecit*. Cujus rei haud contemnendum est indicium , quod , cum cetera va- stæ istius Mosaicæ structuræ , h. e. œconomiae Leviticæ um-
bratilis,

bratilis , rudera , post destructionem a Domino & Marito Ecclesiae Novi Foederis susceptam perfectamque , aliquantisper adhuc usurparentur libere , usque dum templo Ecclesiae Christianae novo constructo , reliquiae illae (quae vulgo Synagoga , exauctorata videlicet , dicuntur) sepelirentur ; Polygamiae contra & Repudii , inter Christianos sinceros , porro toleratorum nec ulla nec vestigium a primis statim initiis occurrit. Ac proinde vel hinc apparet , eas consuetudines , *sive per dispensationem* concessas , (quae facilior est , sed obscurius ex V. T. deducta dubiorum & typorum explicatio) *sive per tolerantiam meramque permissionem* , ad finem nobiliorem divinitus directam , (quae pronior cuncta conciliandi via) non pari , quo ceremonias , loco ac sorte censendas , *sed prorsus abolitas* , & sub adventum Sponsi , ad nuptias cum Eccl. N. T. spirituales , repudiumque Iudaicae , ut praecognitum erat , Vxori dandum , illico ad primam Institutionis Legem stricte observandam a Christo revocatas esse. Quam etiam ob rem de Conjugio ex instituto differens Paullus nihil omnino , nisi per consequentiam , *de Polygamia* interrogantibus scripsit , sed ad *Domini* sui decreta eosdem , perinde uti de divortio , propter adulterium , videtur remisisse. Cetera , quae ex notissimis locis Matth. XIX , 3. sqq. I. Cor. VII , 3. sq. & I. Tim. III , 2. (ubi cum ceteris vitiis hominem ἐπιληπτον reddentibus , cujusmodi sunt incontinentia , ebrietas , rixarum studium , & similia , polygamia quoque connumeratur) passim uberius docentur , & ab aliis jam copiose disputata sunt , repetere heic nolumus , sed nostram qualemcunque laciniam attextam æquissimo L. B. iudicio iterum iterumque commendantes , huic Dissertatiunculæ , *scrutanti magis veritatem quam definienti* , finem imponimus.

